



Kuvendi i Komunës Klinë

01Nr. 06-10780 2024

Klinë, 07.04.2024

#### PROCESVERBAL

Nga mbledhja e rregullt e punës së Kuvendit të Komunës të mbajtur me datë 23 Shkurt 2024 në ora 10:00 në Sallën e Kuvendit të Komunës.

Pjesëmarrës në mbledhje është kryetari i Komunës, z. Zenun Elezaj, përfaqësuesi i policisë, drejtorë të drejtorive, media lokale dhe qytetarë.

Mbledhjen e hapi kryesuesi i Kuvendit, z. Fadil Gashi i cili para se te futej në rendin e ditës kërkoi nga anëtarët e kuvendit që ta informojnë edhe një herë dakordimin për vizitën e punës në Kroaci në maj të këtij viti pasi që ekzekutivi duhet të nisë procedurat. Konfirmuan të gjithë pjesëmarrjen. Për Rendin e Ditës, kryesuesi hapi debat.

z. Esat Raci: Përshëndetje për të gjithë. Një kërkesë më është dërguar mua dhe besoj të gjithëve, nga PJQ "Zana". Një ankesë/ A do ta shqyrtojmë në këtë seancë a[po në seancën e radhës.

z. Arben Limanaj: Përshëndetje të gjithëve. Edhe ne si grup e kemi marr këtë ankesë nga OJQ "Zana" për mos dorëzim të dokumentacionit nga komisioni komunal për dëmet e krijuara nga vërshimet dhe jemi dakord që ta shqyrtojmë sot.

z. Valmir Baca: Përshëndetje të gjithëve. Mendoj që për atë lëndë është përgjegjësi e komisionit dhe një deklaram i komisionit do të ishte i mirëseardhur.

z. Fadil Gashi, kryesues: Po kërkoi që tek pyetje dhe përgjigje do ta sqarojmë këtë kërkesë nga drejtori përkatës.

Me 2 vota kundër, asnjë abstenim dhe me 24 vota pro U MIRATUA.

Pika e 1 e Rendit të Ditës: Arsytimi i mungesave

Kryesuesi Konfirmoj që znj, Mendehije Duraku ka lajmëruar paraprakisht që nuk merr pjesë.

Pika 2 e Rendit të Ditës: Shqyrtimi dhe miratimi i procesverbalit nga mbledhja e kaluar.

z. Zafer Gashi: Përshëndetje për të pranishmit. Nuk është përpiluar ashtu siç duhet ky proces, mendoj që disa gjera që kanë qenë nuk janë shkruar. Herën e kaluar...(Ndërhynë kryesuesi i kuvendit

duke kërkuar që të koncentrohet rreth procesit por z. Gashi nis një debat interaktiv me kryesuesin për atë që kanë debatuar në seancën e kaluar. Dialogu interaktiv zhvillohet herë me mikrofon të ndezur dhe herë të fikur prandaj është e pamundur që të shkruhet.)

Në lidhje me ngjarjen e zhvilluar në mbledhjen e kaluar foli edhe z. Esat Raci dhe kërkoj që mos marrëveshjet të tejkalohen me gjakftohtësi. Por ai tha se askush mos të mendoj që mbrohet pas pushtetit dhe për ne si asamblist çdo gjuhë fyese është e dënueshme.

Kryesuesi tha gjithashtu se është mirë të ruhen raportet e mira në kuvend dhe të jemi të arsyeshëm sepse ne do të vazhdojmë të jetojmë e të takohemi edhe pas këtij mandati bashkë. Sjelljet tona duhet të i kontrollojmë dhe nuk mund të ja marr fjalën kolegu-kolegut. Procesverbali shkruhet vetëm ajo pjesë kur mikrofon është i ndezur.

**z. Arben Limanaj:** Në lidhje me seancën e muajit të kaluar në emër të grupit kuvendar kërkoj një komunikim më të mirë nga ekzekutivi me neve si asamblistë sepse një gjuhë e tillë komunikuese nuk është dëgjuar asnjëherë prej pas luftës. Gjuhë e tillë e komunikimit kërkoj që mos të përsëritet më.

**Me 24 vota për , dy vota kundër U MIRATUA procesverbali.**

Mbledhjen e kuvendit e braktisin dy anëtarët e LVV-së, z. Zafer Gashi dhe znj. Valmira Krasniqi

**Pika 3 e Rendit të Ditës: Rekomandimet e KPF-së**

Me 24 vota për, asnjë kundër dhe asnjë abstenim u miratua rekomandimi i parë i KPF-së

Kërkesa e dytë për sigurimin e një banimi social i znj. Mirjeta Hisenaj që jeton e vetme me një fëmijë pa të ardhura u rekomandua në zyrën e kryetarit dhe në drejtorinë e Urbanizmit, në programin tre vjeçar për banim.

Me 24 vota për u MIRATUA edhe kërkesa e dytë e rekomanduar.

Kërkesa tjetër e znj. Nazife Gucati për të siguruar një banim, KPF e ka trajtuar njëjtë sikurse kërkesën paraprake dhe me 24 vota për U MIRATUA

Kërkesa e 4 me radhë e parashtruar nga prof. dr. Lush Culaj , kërkesë që Ymer Berisha të dekorohet me çmimin "Nderi i Klinës".

Kjo kërkesë sikurse të gjitha të tjerat tha kryesuesi se është shqyrtuar në KPF dhe është e nevojshme formimi i një komisioni. Ai shpjegoi se cilat do të jenë detyrat e atij komisioni duke u bazuar në rregulloren komunale për ndarjen e titujve, çmimeve etj. Pasi ta ketë kryer punën komisioni në një seancë të radhës e sjell në kuvend për miratim.

**z. Valmir Baca:** Ne pajtohemi që të vazhdojmë tutje me formimin e komisionit ashtu siç e parasheh rregullorja.

Kryesuesi kërkoj që të bëhen propozimet për komisionin.

U propozuan : z. Kolë Prenaj, znj. Lirije Gashi, znj. Besiana Gashi, znj. Blerina Gashi



**Znj. Lirie Gashi:** Përshëndetje të gjithëve. E falënderoj z. Bacaj për propozimin por dëshiroj që të respektoj dike tjetër pasi që jam në shumë komisione.

**z. Valmir Bacaj:** Atëherë e propozojmë Ilirjana Toplanaj.

Dy propozime mbetet të plotësohen nga kryetari i komunë s dhe një nga shoqëria civile.

**Me 21 vota për asnjë kundër dhe asnjë abstenim U MIRATUA komisioni i propozuar.**

Kërkesa e fundit e rekomanduar nga KPF është ajo e Komitetit për komunitete , kryesuesja e këtij komiteti për pagesën e anëtarëve të komitetit në fjalë.

Kryesuesi tha se probleme të tilla ka me shumë komitete të tjera dhe që ky problem derivon nga ligji i ri i pagave. Është absurd i llojit të vet që brenda një komiteti 3 anëtarë paguhen e katër anëtarë nuk paguhen, tha kryesuesi. “ Nuk kemi lenë institucion por edhe në kuadër të kolegjiutit të kryetarëve që nuk e kemi diskutuar dhe kërkuar zgjidhje por deri tani nuk kemi gjetur. Janë dokumentet që i ka prodhuar ministria, udhëzimin administrativ për themelimin e komiteteve dhe kompensimin e pjesëmarrjes së anëtarëve në këto komitete. Baza qe ne kemi janë këto dy dokumente dhe të marrim një vendim formal dhe të presim ligjshmërinë e tij” tha kryesuesi i Kuvendit z. Fadil Gashi

**z. Valmir Bacaj:** Ne jemi pro votimit të një vendimi formal dhe të presim ligjshmërinë e tij.

**z. Esat Raci:** Edhe ne jemi që të votohet pro por kërkoj nga drejtorja e financave që bashkë me ministrinë e financave të gjejë mënyrën e kompensimit të anëtarëve të këtyre komiteteve.

**z. Arben Limanaj:** Edhe ne jemi pro që të gjendet mënyra e pagesës së komiteteve, disa komuna po aknë mundësi që të paguhen , të shikohet se si po arrijnë ato komuna të bëjnë pagesat ndaj anëtarëve të këtyre komiteteve.

**Znj. Besiana Gashi:** Edhe unë bashkndaj të njëjtin mendim më juve që të gjendet një zgjidhje. Ju falënderoj juve kryesues për bashkëpunimin që kemi pasur deri me tani. Kërkesat e mija deri të arrihet zgjidhja e këtij problemi s`ka me u ndalë edhe nëse ky vendim që do të marrim sot nuk do të kaloj ligjshmërinë e tij.

**Znj. Lirie Gashi:** Edhe unë e kam këtë kërkesë që komitetet dhe komisionet e themeluara në këtë kuvend të paguhen para se ato të dështojnë për mos pagesë.

**z. Fadil Gashi, kryesues:** Qëllimi ynë është që të gjejmë një zgjidhje që ka bazë e mos ta fusim në “penallti” as veten as ekzekutivin.

**Me 20 vota për , asnjë kundër dhe asnjë abstenim U MIRATUA vendimi për kompensimin e komiteteve dhe trupave që i formon kuvendi.**

**Pika 4 e Rendit të ditës:** Shqyrtimi dhe miratimi i vendimit për bartjen e mjeteve nga viti 2023

**z. Enver Berisha, drejtor i FEZH:** Përshëndetje të gjithëve. Janë shuma e mjeteve të mbetura nga viti 2023 të bartura në vitin 2024 e që janë në vlerën prej 942 mijë e 121 euro. Ju e keni parë edhe në dokumentin që jua kemi dërguar se si janë bërë shpërndarjet e këtyre mjeteve nëpër programe e kategori.



Drejtori z. Berisha tha në fund se ka një sqarim për procesverbal tek kategoritë e shpenzimeve komunale dhe tek administrata e arsimit- renovimi i gjimnazit: thuhet rindërtim por është renovim, termi Rindërtim na është obliguar nga niveli qendror. Tjetër është arsyetimi për bartjen e obligimeve të pashlyera të nxehjeve qendrore me pompat termike dhe rritja e tarifave për shpenzimet e pastrimit. Është fjala për mirëmbajtjen e ambientit të jashtëm.

**z. Esat Raci:** A ka mundësi që në subvencione të rritet buxheti. Pasi që ka kërkesa si kjo e Samije Gjergjit dhe ajo e OVL

**z. Enver Berisha, drejtor i FEZH:** Është planifikimi vjetor i subvencioneve. Unë mendoj që janë të mjaftueshme këto mjete.

**z. Valmir Bacaq:** Ne si grup kuvendar i AAK pajtohemi me bartjen dhe shpërndarjen e këtyre mjeteve dhe mendojmë që janë në mënyrë të arsyeshme të shpërndara.

**Me 19 vota për, asnjë kundër dhe asnjë abstenim U MIRATUA.**

**Pika 5 e Rendit të ditës: Shqyrtimi procesverbalit nga mbledhja e dytë e kryetarit të Komunës me qytetarët e Komunës së Klinës.**

**Pika 6 e Rendit të Ditës: Pyetje dhe Përgjigje**

Kryesuesi tha se te kjo pikë mbi një minutë nuk i lejohet askujt më shumë.

Fillimisht fjalën e merr drejtori i shërbimeve publike dhe emergjente për tu përgjigjur në ankesën e OJQ "Zana" që u diskutua në fillim të seancës.

**z. Qendrim Millaku, drejtor i SHPE:** Përshëndetje të gjithëve. Sa i përket ankesës së OJQ "Zana" për mos dorëzimin e dokumentacionit mbi dëmet e krijuara nga vërshimet në komisionin qendror , komisioni komunal në afatin 15 ditor ja ka dorëzuar raportin komisionit qeveritar. Ka respektuar në maksimum afatin dhe ka dhënë informata dhe shpjegime shtesë gjithsesi. Të gjitha obligimet e tjera pas kësaj janë të komisionit qeveritar. Citoj shkresën e OJQ "Zana" , me datë 1.02. 2024, sipas OJQ "Zana" lista nuk ka shkuar në komisionin qeveritar sepse po në atë datë ky komision ja paskan dërguar komisionit komunal një email për plotësim të dokumentacionit për biznese. Si ka mundur ta dërgoj email ky komision qeveritar tek ne për plotësim dokumentacioni nëse ne nuk jua kemi dërguar raportin paraprakisht? Ne çdo gjë e kemi dërguar me kohë tek komisioni qendror por ata nuk e kanë dërguar ende në ministrinë e financave [asi që akoma nuk janë bërë ekzekutimet e pagesave. E vërtetë që aknë kërkuar sqarime shtesë dhe ne jua kemi dërguar , mendoj që shumë shpejt pritet të bëhen pagesat që nuk janë bërë akoma në disa raste.

**z. Esat Raci:** Faleminderit Qendrim. A ka komisioni dëshmi që raporti është dërguar në komisionin qendror?

**z. Qendrim Millaku, drejtor i SHPE:** I kemi të gjitha dëshmitë , janë emaillet, shkresat etj. Këtë mund të jua dokumentoj me dokumente zyrtare në seancën ardhshme.

**z. Arben Limanaj:** OJQ "Zana" i ka evidentuar dy data ku thuhet se ministria nuk ka marrë dokumentacion nga komisioni për vlerësimin e dëmeve. Pyetja e ime është a do të kompensohet OJQ "Zana" për dëmet e shkaktuara.



**z. Qendrim Millaku, drejtor i SHPE:** Raporti i komisionit komunal është dërguar tek komisioni qendror, tani kur ai komision e dërgon në ministri i financave me siguri që do të bëhen pagesat.

**z. Zenun Elezaj, kryetar i komunës:** Raporti i Komisionit Komunal për dëme është aprovuar në kuvend , ky raport i shkon komisionit qeveritar dhe komunikimin me ministrinë e financave nuk e bënë komuna por AME. Edhe për vlerat e dëmeve edhe gjithçka tjetër është në raport i cili është edhe në web të Komunës.

**Z. Esat Raci:** Pyetje për drejtorin e Bujqësisë. Para disa ditëve keni bërë ndarjen e disa traktorëve të vegjël. Kush ka qenë në atë komision për ndarjen, cilat kritere kanë qenë për ndarje , ai komision a ka dalë në teren dhe ky komision për ata qytetarë të pakënaqur a jua ka dhënë të drejtën për ankesa dhe a janë shqyrtuar ato ankesa. Kam vërejtje nga qytetarët se ato ankesa nuk janë shqyrtuar,

**z. Lorenc Marleku, drejtori i Bujqësisë:** Përhëndetje. Ata traktor të vegjël kanë qenë donacion, edhe kriteret edhe komisioni për vlerësim ka qenë i përbërë nga donatori. Po kanë dalë në teren por ndoshta nuk e kanë kontaktuar personin që ka aplikuar. Nuk besoj që ka pasur ndonjë shkelje por kur bëhen 177 kërkesa dhe ke me jua nda vetëm 60 vetave normal që ka me pas të pa kënaqur. Tani do të kemi edhe dy procedura të tjera për vitin 2024 dhe besoj që do të marrin të gjithë ata që do të aplikojnë. Ka pas shumë aplikues në kushte të barabarta.

**z. Esat Raci:** Me gjithë respektin për punën tuaj nuk jam aspak i kangur me atë që u përgjigje. Sipas qytetarëve në më shumë se 80% të aplikuarve nuk ka qenë komisioni fare që të i vizitoj po ashtu ankesat nuk janë shqyrtuar fare por janë bërë ndarjet pa i shqyrtuar ankesat.

**z. Lorenc Marleku, drejtor i Bujqësisë:** Kur vjen lista nga komisioni ne do ta aprovojmë sepse unë nuk jam komision. Ne do të kemi kujdes që këta që kanë aplikuar të përfitojnë në radhën tjetër. Unë jam që të shtohet buxheti në bujqësi sepse jemi vend agrar. Ju si opozitë nuk keni ngrit asnjëherë kërkesë që të rritet buxheti në bujqësi, është dashtë të bëni opozitarizëm të duhur.

**z. Esat Raci:** Derisa përcaktohen kriteret dhe nuk shkohet sipas kriterëve , derisa aplikuesit ankohen dhe ju nuk i shqyrtoni ankesat e tyre ju keni bërë shkelje ligjore. Sa i përket opozitarizimit ne e kemi votuar buxhetin për hir të qytetarëve ashtu siç ju e keni paraparë.

**z. Zenun Elezaj, kryetar i Komunës:** Mbetët që drejtori i bujqësisë të na jep informatë në seancën e radhes se a janë kthyer përgjigjet ankuesve.

**Znj. Besiana Gashi:** Kam një pyetje për drejtorin e shërbimeve publike: Pse në fshatin Çabiq nuk është shpërnda ndriçimi nëpër të gjitha lagjet pasi që ka ankesa nga qytetarët e atyre pjesëve se është bërë ky dallim. Kërkoj gjithashtu nga ekzekutivi që më shumë të realizojnë projekte cilësore e jo sasiore. Po ashtu kam dëshirë që të i them drejtorit të bujqësisë se aspak nuk jam e kënaqur me punën dhe mënyrën se si është realizuar projekti i theksuar rreth multikultivatorëve. Nuk bëhet vlerësim i drejt nëse pyeten të tjerët për fermerin, duhet bërë takimi direkt me fermerin.

**z. Qendrim Millaku, drejtor i SHPE:** Çabiqi është një nga fshatrat që është pajisur 99% me ndriçim. Kur një pjesë e atij instalimi nuk punon atëherë është problem i KEDS. Sidoqoftë Çabiqi është fshati që 99% është i mbuluar me ndriçim dhe kjo duke ju falënderuar kryetarit të Komunës.



**z. Lorenc Marleku, drejtor i Bujqësisë:** Ju e dini që ne një kohë të gjatë japim subvencione. Nëse shkon në shtëpi dhe e pyet fermerin se a ka traktor apo a ka marr vitin e kaluar, ai do të thotë jo. Ne duhet të gjejmë formën se si me e vërtetu. Kriteret janë shqyrtuar në mënyrën më të mirë. Ka pas shumë që i kanë plotësuar kriteret dhe kanë qenë në kushte të barabarta por s'kanë pas mundësi që të marrin . Në fazat e tjera do të marrin gjithsesi.

**z. Enver Gashi:** Problemi i qeneve endacak vazhdon të jetë aktual, A keni ndonjë projekt për zgjidhjen e këtij problemi?

**z. Qendrim Millaku, drejtor i SHPE:** Ne e kemi buxhetin që e kemi e si rrjedhojë edhe mundësinë e kufizuar. Komuna nuk ka kapacitet me buxhetin që ka prandaj kemi kërkuar edhe nga ministria ndihmë financiare. Me mundësitë që kemi po e bëjmë kastrimin dhe trajtimin e tyre.

**Znj. Blerina Gashi:** Kam një pyetje për drejtorin e shëndetësisë i cili nuk është prezent. A ka mundësi të na informoj për disa vaksina që janë duke u dhënë për vajza të mitura në lidhje me kancerin e qafës së mitrës. Unë mendoj që sado që kanë efekt të mirë ato vaksina është mirë që paraprakisht të informohen prindërit. Kam edhe një kërkesë për drejtorin e inspektoratit në lidhje me një shqetësim të banorëve të Qupevës së lartë. Lutem që të gjeni një zgjidhje ose të vendosni ndonjë pengesë sepse nëpër rrugën e fshatit po kalojnë makineri me shpejtësi të lartë.

**Z. Faruk Smajli, drejtor i inspektoratit:** Mora shënim rrugën që e përmendët. Nëse kërkohet policë të shtrirë do ta shqyrtojmë mundësinë e për të tjerat do të informohen organet përkatëse.

**z. Tunë Dedaj:** Përshëndetje. Dua ta falënderoj kryetarin e Komunës për rritjen e buxhetit për bujqësi. Kam një kërkesë për drejtorin e bujqësisë që të mos kaloj afati i mbjelljes para se me ju ndarë ata multikultivator fermerëve. Kërkesë e imja tjetër është që të keni vëmendje e mos të ju epet multikultivatori atyre që nuk e punojnë token as atyre që e shesin.

**z. Zenun Elezaj, kryetar i Komunës:** Ka fenomene që një multukultivator e ka marr burri, një tjetër gruaja etj., Në këto raste komisioni nuk ka nevojë të shkoj në shtëpi të fermerit sepse e ka listën që ata kanë përfituar herë e kaluar. Subvencionet këtë vit janë të rritura , janë 600 mijë euro dhe do ta menaxhojmë shumë mirë këtë vlera duke jua mundësuar fermerëve që të marrin këto mekanizma dhe të punojnë në të mirë të familjeve të tyre.

Fjala e kryetarit të Komunës ishte e fundit në këtë mbledhje të kuvendit. Kryesuesi z. Gashi duke falënderuar të gjithë për kontributin e dhënë dhe pjesëmarrje i shpalli të mbyllura punimet e kësaj seance.

Procesmbajtës:

Skënder Behramaj



Kryesues:

Fadil Gashi

